

O'ZBEKISTON RESPUBLIKASINING  
JINOYAT KODEKSI

Mundarija

**O'zbekiston Respublikasining 22 sentyabr 1994 yil  
2012-XII-son Qonuniga muvofiq tasdiqlangan va  
O'zbekiston Respublikasi Oliy Kengashining 22 sentyabr 1994 y.  
2014-XII-son Qaroriga binoan amalga kiritilgan**

Kodeksga quyidagi Qonunlarga muvofiq o'zgarishlar kiritilgan:  
30.08.96 y., 27.12.96 y., 30.08.97 y., 01.05.98 y.,  
29.08.98 y., 25.12.98 y., 15.04.99 y., 20.08.99 y.,  
26.05.00 y., 15.12.2000 y. 175-II, 29.10.2001 y. 254-II  
30.08.2002 y. 405-II-sonli, 13.12.2002 y. 447-II-son  
30.08.2003 yil 535-II-sonli X.bo'limiga, 12.12.2003 yil  
568-II-sonli V.bo'limiga, 27.08.2004 yil VI-bo'limiga  
30.09.2005 yil O'RQ-10-son Qonuniga, 28.12.2005 yil  
Qonunining 1-moddasiga, 31.12.2005 yil Qonunining  
3-moddasiga asosan, 22.06.2006 yil O'RQ-37-son Qonunini  
1-moddasiga, 15.12.2006 yil O'RQ-70-son Qonunining  
1-moddasiga, 06.04.2007 yil O'RQ-85-son Qonunining  
1-moddasiga, 23.04.2007 yil O'RQ-93-son Qonunining 1-moddasiga

(Ko'chirmalar)

**MAXSUS QISM**

**BIRINCHI BO'LIM. SHAXSGA QARSHI JINOYATLAR**

**66-1-modda. Yarashilganligi munosabati bilan jinoiy javobgarlikdan ozod qilish**

Ushbu Kodeks 105-moddasining birinchi qismida (qasddan badanga o'rtacha og'ir shikast yetkazish), 106-moddasida (kuchli ruhiy hayajonlanish holatida qasddan badanga og'ir yoki o'rtacha og'ir shikast yetkazish), 107-moddasida (zaruriy mudofaa chegarasidan chetga chiqib, qasddan badanga og'ir shikast etkazish), 108-moddasida (ijtimoiy xavfli qilmish sodir etgan shaxsni ushlab turish zarur choralari chegarasidan chetga chiqib, badanga qasddan og'ir shikast yetkazish), 109-moddasida (qasddan badanga yengil shikast yetkazish), 110-moddasining birinchi qismida (qiynash), 111-moddasida (ehtiyotsizlik orqasida badanga o'rtacha og'ir yoki og'ir shikast yetkazish), 113-moddasining birinchi va ikkinchi qismlarida (tanosil kasalligini tarqatish), 115-moddasida (ayolni o'z homilasini sun'iy ravishda tushirishga majburlash), 116-moddasining birinchi va ikkinchi qismlarida (kasb yuzasidan o'z vazifalarini lozim darajada bajarmaslik), 117-moddasining birinchi qismida (xavf ostida qoldirish), 121-moddasining

birinchi qismida (ayolni jinsiy aloqa qilishga majbur etish), 122-moddasida (voyaga yetmagan yoki mehnatga layoqatsiz shaxslarni moddiy ta'minlashdan bo'yin tovlash), 123-moddasida (ota-onani moddiy ta'minlashdan bo'yin tovlash), 125-moddasining birinchi qismida (farzandlikka olish sirini oshkor qilish), 136-moddasida (ayolni erga tegishga majbur qilish yoki uning erga yegishiga to'sqinlik qilish), 139-moddasining birinchi va ikkinchi qismlarida (tuhmat), 140-moddasining birinchi va ikkinchi qismlarida (haqorat qilish), 149-moddasida (mualliflik yoki ixtirochilik huquqlarini buzish), 167-moddasining birinchi qismida (o'zlashtirish yoki rastrata yo'li bilan talon-toroj qilish), 168-moddasining birinchi qismida (firibgarlik), 169-moddasining birinchi qismida (o'g'rilik), 170-moddasining birinchi qismida hamda ikkinchi qismining "b" va "v" bandlarida (aldash yoki ishonchni suiiste'mol qilish yo'li bilan mulkiy zarar yetkazish), 172-moddasida (mulkni qo'riqlashga vijdotsiz munosabatda bo'lish), 173-moddasining birinchi qismida (mulkni qasddan nobud qilish yoki unga zarar yetkazish), 185-2-moddasida (elektr, issiqlik energiyasi, gaz, vodoprovoddan foydalanish qoidalarini buzish) 192-moddasida (raqobatchini obro'sizlantirish), 260-moddasining birinchi qismida (temir yo'l, dengiz, daryo yoki havo transportining harakati yoki ulardan foydalanish xavfsizligi qoidalarini buzish), 266-moddasining birinchi qismida (transport vositalari harakati yoki ulardan foydalanish xavfsizligi qoidalarini buzish), 268-moddasining birinchi qismida (transportning xavfsiz ishlashini ta'minlashga doir qoidalarni buzish), 298-moddasining birinchi qismida (mashinalarni boshqarish yoki ulardan foydalanish qoidalarini buzish) nazarda tutilgan jinoyatlarni sodir etgan shaxs, agar u o'z aybiga iqror bo'lsa, jabrlanuvchi bilan yarashsa va yetkazilgan zararni bartaraf etsa, jinoiy javobgarlikdan ozod etilishi mumkin.

Og'ir yoki o'ta og'ir jinoyatlarni sodir etganlik uchun sudlanganlik holati tugallanmagan yoki sudlanganligi olib tashlanmagan shaxslar yarashilganligi munosabati bilan jinoiy javobgarlikdan ozod qilinmaydi.

#### **149-modda. Mualliflik yoki ixtirochilik huquqlarini buzish**

Tafakkur mulki ob'ektiga nisbatan mualliflik huquqini o'zlashtirib olish, hammualliflikka majburlash, shuningdek, tafakkur mulk ob'ektlari to'g'risidagi ma'lumotlarni ular rasman ro'yxatdan o'tkazilgunga yoki e'lon qilingunga qadar muallifning rozilgisiz oshkor qilish - eng kam oylik ish haqining yigirma besh baravaridan yetmish besh baravarigacha miqdorda jarima yoki besh yilgacha muayyan huquqdan mahrum qilish yoki uch yilgacha axloq tuzatish ishlari yoxud olti oygacha qamoq bilan jazolanadi.

#### **191-modda. Qonunga xilof ravishda axborot to'plash, uni oshkor qilish yoki undan foydalanish**

Sir tutiladigan fan-texnika, ishlab chiqarish, iqtisodiyot, savdoga oid yoki boshqa shu kabi axborotni egasining rozilgisiz oshkor qilish yoki undan foydalanish maqsadida har qanday usulda to'plash - eng kam oylik ish haqining yuz baravarigacha miqdorda jarima yoki ikki yilgacha axloq tuzatish ishlari bilan jazolanadi.

Sir tutiladigan fan-texnikaga, ishlab chiqarish, iqtisodiyot, savdoga oid va boshqa shu kabi axborotni egasining rozilgisiz qasddan oshkor qilish yoki undan foydalanish xo'jalik yurituvchi sub'ektga ko'p miqdorda zarar yetkazgan bo'lsa, - eng kam oylik ish haqining yuz baravaridan ikki yuz baravarigacha miqdorda jarima yoki ikki yildan uch yilgacha axloq tuzatish ishlari yoxud olti oygacha qamoq bilan jazolanadi.